

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

8. Realis & spiritualis Communionis differentia.

urn:nbn:de:hbz:466:1-45653

nin. 3.p.
Chron. tit.
23.c.14.6.8

sperabat, Raymundum, qui à confessionibus illi erat, rogauit, ut sacrificium tantisper differret, donec ipsa interesse, & sacrâ Synaxi refici posset. Continuato diutiùs dolore, iubet eum, etiam se absente, sacrificare, ne mora nimis longa esset. Eo agente, remittit dolor, & mox illa, inscio mysta, adrepit, atque in remoto angulo consideret. Dum frangeret hostiam sacerdos, particula hostię ex oculis illius subducta est, vtraq; parte maiore, in manibus eius remanente. Vndiq; diligenter circumspicit, nusquam particulam, reperit. Peracto sacro, Catharina eum interrogat, cur tristitiam vultu præ se ferat? Hostiæ particulam abs se amissam, ait ille. Et illa: *Quæsinisti, inquit, diligenter?* *Quæsui,* respondet ille. Tum illa subridens ait: *Non erat necesse, te propterea tristari.* *Equidem arbitror,* inquit ille, *te mihi illam abstulisse.* Et illa: *Non mihi,* inquit, *vicio vertas, quia non ego, sed alius abstulit.* *Hoc tamen scias, velim,* quod nunquam inuenies. Tum fassa est, sibi diuinitus delatam fuisse: *Dum enim sociæ meæ, inquit, nollent, ut communicarem, ne ipsis molestiam adferrem, acquieci.* Recurri interim ad benignissimum sponsum meum IESVM Christum, qui sublatam particulam, ad me detulit; ideoq; non li contristari, sed potius gaude, in ipso, cum gratiarum actione. Plenum est igitur, tam preciosa esse piorum hominum desideria, ut Deus ipse iudicet ea diuinitus implenda, si impleri non possint aliunde. Quanquam non opus est, ut ea miraculis semper implet: implet satis, si diuinâ gratia implet. Quod etiam facit per spiritualem communionem.

VIII.

S.Thom.3.p
q.80.art.1.2

Nam hîc mihi silendum non est, quod Theologi, cum D.Thoma Aquinate, omnes docent, atque ex hac ipsa Dei bonitate consequens est; eos, quibus, quacunque demum ex causa, non conceditur, SS. Eucharistiam *Sacramentaliter* sumere, quâm frequentissimè illam saltem *spiritualiter* sumere aut posse, aut opertore. Gratissimum enim est Christo, corde ei nos iungi, si ore simul iungi non possimus. Nobis autem hæc coniunctio prorsus necessaria est. Neque ea res fructu caret. Quia effectum Sacramenti magnum percipere potest, qui Sacramentum habet in voto, tametsi illud in re non accipiat. Quemadmodum enim multi *baptismo flaminis* baptizantur antè, quâm baptismo aquæ baptizentur, propter inflammatum baptismi desiderium; ita etiam plurimi SS. Eucharistiam *spiritualiter* manducant, eam impensè desiderando, licet *Sacramentaliter* non manducent; autantè, quâm

tè, quām manducent: qua manduca^{tione} spirituali itidem percipit
tur effectus huius sacramenti. Etenim homines, in ea, Christo,
per fidem, & charitatem, spiritualiter coniunguntur. Credunt
enim & amant, quod desiderant. Fides autem Christo intellectum,
amor vnit voluntatem. Neque tamen idcirco sacramentalis & rea-
lis manducatio superuacanea censenda est: siquidem, vt D. Tho-
mas ait, pleniūs inducit sacramenti effectum, ipsa sacramenti susceptio,
quām solum desiderium. Qui enim simul spiritualiter & realiter, seu
sacramentaliter Eucharistiam sumunt, maiorem copiam gratiae &
virtutum consequuntur: quia præcepto realis sumptionis, aut insi-
tutioni Christi parent, & ordinariè magis ad se Deo coniungen-
dos excitantur; ac ex opere operato fructum consequuntur: cum
spiritualis communio sit tantūm opus operantis, nec impleat præcep-
tum realis sumptionis, quando ea haberri potest. Quare neque
communio realis est negligenda, neque spiritualis non frequentis-
simè usurpanda; vt & illius fructu maiore potiamur, & adipiscam-
ur hunc, quoties in die volumus, obuium ac opportunum. Quē
et si Sanctissimi quique maximè appetant, tamen etiam sectari pos-
sunt peccatores. Isti enim, dum à Sacramentali communione
abstinent, memores illius: *Qui manducat, & bibt indignè, iudi-
cium sibi manducat & bibt;* (quia rem tam sanctam irreuerenter
tractat;) possunt tamen licet sacramentum hoc spiritualiter sume-
re, hoc est, desiderare; atque ita, Christo spiritualiter coniungi,
per fidem, & actualē charitatem, seu contritionem de peccato;
ob quod se hoc Angelorum pane indignos iudicant, quodque ab-
soluit volunt, vt digni fiant. Qua proinde spirituali communio-
ne, non peccant; quia eam falsitatem non committunt, quam
committunt, qui illud realiter sumunt peccato mortali astricti.
Significant enim isti, se Christo vnitos, & membris eius incorpora-
tos, quod tantū fit, per fidem formatam, que in peccatoribus nō est,
in quibus non est habitus charitatis: non significant autem hoc,
qui tantūm spiritualiter cōmunicant, sed significant, se optare esse
coniunctos; siue re ipsa coniuncti sint, siue non, sed tantūm coniungi
desiderent, desiderioque se iungant, & implicita contritione
(si non expressa) profiteantur, seiungi se ab illo, peccando me-
truisse. Sicut ergo infidelis Baptismum, sicut adulter Sacra-
mentum Pœnitentiae, ita & quiuis peccator, per fidei & actualis cha-
ritatis exercitium potest Sacramentum Eucharistiae desiderare.

Idem. q. 69.
art. 4. ad 2.

R

Quo

Quo desiderio in sui despectum, & in peccati detestationem venit; videns se, suâ culpâ, sacramentali Eucharistiae sumtione & tam sacro conuiuio, sine ueste nuptiali charitatis habitualis, indignum esse; cuius proinde desiderio, vult peccata deponere, vt dignus fiat, qui ad mensam regiam accedat. Ut enim olere doméstico abstinent, ad nuptiales epulas inuitati; sic, qui desiderio ténentur, cœlestis ambrosiæ, libenter contemnunt cramben peccatorum toties repetitam. Vtilissima itaque est etiam peccatoribus sumtio spiritualis Eucharistiae, impetratque à Deo, tandem sumtionem quoque sacramentalem. Alexander Macedo dijs sacrificans, ac citra parsimoniam thura in ignem sæpius iniiciens (licet Leonida paedagogo reclamante, & dicente, vt tam sumptuosè sacrificaret, cum thuriferam subiugasset regionem) etiam aromatiferam regionem adeptus est: ita qui erga Deum non sunt auari, sed quam largissimè spiritualiter communicant, id assequuntur, vt eis Deus, vel per homines, vel per modos, extra communem ordinem, atq; etiam miraculosos, communionem sacramentalem impertiatur.

Prou. 8.20. In vijs iustitiae ambulo, inquit, in medio semitarum iudicij, vt ditem diligentes me, & thesauros eorum repleam. Quàm quidam calidè optât, thesauros suos repleri? cur hîc inopiam amant? Quàm multi dies noctesque, inter pocula, & in vino versantur, nec aliud cogitant, quàm comedentes? cur calicem Domini non sibiunt, cur non esuriunt frumentum electorum? Quis cibus Deo dulcior, quis suauior potus, quàm sanguis Christi? Dicebat olim Booz ad Ruth, vt cum messoribus intingeret buccellum suam in aceto, & vt liberimè spicas colligeret: ob quam liberalitatem illa mox eum, super terram adorauit. Christus iubet nos, in sanguine suo non bucellam, sed animam nostram lauare, & in aceto memorialis Passionis suæ intingere; & non cadimus in terram? non venimus? non adoramus? immò nec esurimus, nec sitiimus. Alioquin tñque qui vult nos cibum dare esurientibus, ac sitiensibus potum, ipse etiam in cibum nobis se daret, & in potum. In quam rem plura libet exempla apponere.

IX. Per annos adeò sexaginta Onuphrius Confessor, & Dei assiduus cultor, in vastissima profundissimâque Ægypti eremo, hominibus incognitus vixerat. Ex his, triginta annis, in cibum vsus fuerat solis palmæ fructibus, & herbarum radiculis. Reliquis triginta annis, solo pane vita vitam sustentauit. At quia decretal

Petr. de Na-
talib.lib.5.
cap. 106.
Mar. Marul.